


Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06) na prijedlog federalnog ministra zdravstva, Vlada Federacije Bosne i Hercegovine na 155. hitnoj sjednici, održanoj 31.01.2020. godine, donosi

### ZAKLJUČAK

1. Usvaja se Informacija o pojavi novog koronavirusa (2019-nCoV) koji je Svjetska zdravstvena organizacija 30.01.2020. godine proglasila javnozdravstvenim vanrednim stanjem od međunarodnog značaja.
2. U skladu sa članom 8. stav (2) Zakona o zaštiti stanovništva od zaraznih bolesti, novi koronavirus ima se smatrati zaraznom bolesti, čije je sprečavanje i suzbijanje od interesa za Federaciju BiH, te će se za sprečavanje i suzbijanje ove bolesti poduzeti sve mjere za zaštitu stanovništva od zaraznih bolesti regulirane Zakonom.
3. Federalno ministarstvo zdravstva pripremit će akt obraćanja Vlade Federacije BiH prema Vijeću ministara BiH kojim će se zatražiti da nadležna državna ministarstva i tijela BiH budu intenzivnije uključena u koordiniranje aktivnosti i mjera na sprečavanju i suzbijanju novog koronavirusa na teritoriji Bosne i Hercegovine, te razmotre i mjere predložene od strane Stručnog savjetodavnog tijela za zaštitu stanovništva od zaraznih bolesti, a čije je izvršenje u nadležnosti državnih institucija.
4. Zadužuje se Federalno ministarstvo zdravstva da, nakon sagledavanja stanja u kliničkim centrima u Federaciji BiH, informira Vladu Federacije BiH o potrebi nabavke respiratora sa pripadajućom opremom, te druge zaštitne opreme, s posebnim akcentom na uspostavu karantina na teritoriji Federacije BiH a u skladu sa Zakonom o zaštiti stanovništva od zaraznih bolesti.
5. Nalaže se Federalnom ministarstvu zdravstva, kao i Zavodu za javno zdravstvo Federacije Bosne i Hercegovine, da svako u okviru svojih nadležnosti, kontinuirano prati stanje kretanja novog koronavirusa, te u saradnji s nadležnim tijelima vlasti za oblast zdravstva u kantonima, osiguraju poduzimanje preventivnih i protuepidemijskih mjera s ciljem sprečavanja nastanka, kao i suzbijanje širenja ove zarazne bolesti.
6. Ovaj zaključak stupa na snagu danom donošenja.

V. broj: 169 /2020  
31.01.2020. godine  
Sarajevo

**PREMIJER**  
  
**Fadil Novalić**